



UNIVERSITÄTS-
BIBLIOTHEK
PADERBORN

Universitätsbibliothek Paderborn

Iacobi Philippi Tomasini Sancti Georgij ab Alga Venetiarum Canonici Secularis De Donariis ac Tabellis Votivis Liber Singularis

Tomasini, Giacomo Filippo

Vtini, 1639

XLI. Donaria Mulctatitia.

urn:nbn:de:hbz:466:1-13253

inuentum Carm. xxvi i. qui puellam finxit Annales Volufij Tardipedi Deo iocosè vouiffe.

Quid verò magis ridiculum, quàm Ignauos etiam patrocini-um quæsiuiffe à Murcia pigritiæ Dea, quæ à Murcis, idest truncatis pollicibus bello ineptis nomen accepit? Erat autem Vallis Murcia Romæ, ubi forsitan Ignauis, & desidiofis sua dona offerebant. Fuit etiam Murcia secundum aliquos, Dea amoris, nec ineptè; nam ignaui & marcidi, dum à Musis longè sunt, spurcitijs & libidinibus vacant.

CAPVT XL.

VOTA SCELERATA.

T Vrpi demum exemplo sacris adhibita ingenij licentia in scelus conuersa etiam criminis immunitatem ac tutelam apud Deos quæsiuit. Nam & Fures LAVERNÆ Deæ sua Vota fiebant, ut instituta sua furandi ac mentiendi fortunaret. Plaut. Cornicul.

Mibi Lauerna in furtis celebrastis manus.

Et Horatius:

Paltera Lauerna da mihi fallere.

Acron & Porphyrius in Horatium Lib. i. Epist. xvi i. & Nonius Marcellus in voce Lauerna, Festusq; Pōpeius hic aduerti. Erat autem Deæ imago caput sine reliquo corpore. Huius Deæ lucus erat Romæ obscurus & abditus, ubi Fures prædam diuidebant. Nec leuiori probitatis iniuria etiam Ara Fraudi ibidem erecta. De qua nolo plura, cum nefas sit crimen religione obuelasse.

CAPVT XLI.

DONARIA MVLTATITIA.

Indignitatis certè huius mentionem intermissem, nisi vigilantia magistratus detecta eiusmodi morum turpitudose-

feneriffimis legibus grauem ſæpe mulctam produxiſſet: ex qua etiam DONARIA Dijs conſtituta fuiſſe colligo apud Lium Lib. x. Ann. ab V. C. M D LVII. Cn. & Q. Ogulnius adiles curules, aliquot ſeneratoribus diem dixerunt, quorum bonis mulctatis, ex eo quod in publicum redactum eſt, aenea in Capitolio limina, & trium menſarum argentea vaſa in cella Iouis, Iouemq; in culmine cum Quadrigis, & ad ficum Ruminalem ſimulacra infantium conditorum urbis ſub uberibus Lupe poſuerunt, ſemitamq; ſaxo quadrato à Capena porta ad Martis ſtatuerunt. Et ab Edilibus plebeis E. Alio Pæto, & C. Fulvio Curuo ex mulctatitia item pecunia quam exegerunt pecuarij, damnatis, Ludi facti: patraq; aureæ ad Cereris poſita. Et Lib. xxxv. De Mulcta Damnatorum Quadriga inaurata in Capitolio poſita in cella Iouis ſupra faſtigiũ adicula.

Ita res iniquè parta in bonos uſus iuſtè conuerſa ſæpiùs culpæ notam diluit! Tolerabilior eorum noxa, qui uſuris in publica commoda deriuatis pœnam auuiditatis anteuenterunt. Egrègium huius facti monumentum ex antiquis Romanæ Urbis reliquijs Grutero ſuggeſſit Smetius, quod libens adfero, ut è tam opimis fortunæ mediocriſ redditibus potètiorem Quiritium opes ſint conſpectiores. Annuũ quippè cenſum ad eò locupletè ex uſuris centeſimis, quo ſingulis menſibus è centenis numis unus exigebatur, non minimæ fortis fuiſſe perſpicuũ eſt.

CENTONARIORVM

CVM. BASI. MARMOREA. ET. CERIOLARIB
 DVOBVS. ÆREIS. HABENTIBVS. EFFIGI
 EM. CVPIDINIS. TENENTES. CALATHOS
 L. SEXTILIVS. SELEVCVS. DECVRIO. D. D
 HOC AMPLIVS. ARK. RET. P. COLLEGII. SS.
 DONVM DEDIT. —X—. V. VT. EX. VSVRIS
 CENTESIMIS EIVS. QVANTITATIS
 QVÆ EFFICIT. ANNVS. —X—. DC. DIE
 VIII. KAL. OCTOBR. NATALI DIVI
 AVGVSTI. EROGENTVR. EX. ARK

CA.